



Op zaoterdig 14 jannewari és Weert TV vanaaf 19.15.oor gerizzervieërdj vör ROG-TV. 'n Uniek initiatief van stadsvastelaovendjvereiniging De Rogstaekers in same-wêrking mét WTV. 'n Aovendjvöllendj tv-programma mét dao in informatie, amuzemênt, meziek en aktualiteite oeever de Wieërter vastelaovendj. Vör de technische invölling teikentj S-E-P (Special Events Productions). Beej 'n aovendjvöllendj tv-programma huuërtj neteurlik 'ne tv-gids. Dae prizzentieëre vae uch heejbeej. De inne tv-gids geneumdje tiède zeen richttiède.

PRIËSVRAOG en PEILING

Vör de kiekers di-j zaoterdig 14 jannewari aafstumme op ROG-TV és d'r 'ne priës-vraag. De vraoge vingdje op website www.vvderogstaekers.nl. Volgdje de programma's good dan hejje de antwoeërde vör 't opschöppe. De winnaar vanne priësvraag kriegtj e 'Super Rogstaekers Vastelaovendj-pakket'. Dao in 2 kaartjes vör de Boonte Aovendj van woensdig 18 jannewari, de Herrensitzung, Harry & de Gebroeëke Zwieegelkes, 'ne dvd van de Gulden Humor/Vastelaovendjproms, de noetste cd vanne Rogstaekers en 'n originieël Rogstaekers-vlag!!

Boete det stieët d'r oppe site www.vvderogstaekers.nl 'n peiling woeë dejje in aan kuntj gaeve of dejje nao ROG-TV gaotj kieke.

19.15 oor

Welkomstwoeërd Vorst Jan

Weem kân dieëze unieke tv-aovendj baeter oeevene as oeeze eige Vorst Jan.

Aansloëtendj

Weem weurtj 't?

DE hamvraag van d'n aovendj. Weem weurtj de Preens van stadsvastelaovendjvereiniging De Rogstaekers? Lars Lambers ging op paäd inne binnestad van Wieërt en stéldje di-j vraag aan Wieërtenare. Dit ongerdael és de roeëje draod van dieëze tillevisieaovendj mét as klapstök de uutroping vanne Stadspreens 2012.

19.20 oor

Vastelaovendj-journaal De vreug edisie

Rosan Camp prizzentieërtj de actualiteite uut de Wieërter Rogstaekers-vastelaovendj't Léste noets oeever o.a. de Stadspreens, de Boonte Femiëliemiddig, de Wichterfieëstmiddig, enz

Aansloëtendj

Vraag 't aan Lellebel

Vör de vaste laezers van zien rubriek inne Trompetter good noets. ROG-TV bringtj Lellebel tot laeve. In dieës rubriek 'Vraag 't aan Lellebel' beantwoeërtj Lellebel serieus vraoge op 'n ludieke meneer. Um de lól nog groeëter te make zörgtj ROG-TV det Lellebel dieëzen aovendj verschillendje kieëre eur wiësheid moog laote huuëre.

19.28 oor

De Vastelaovendj-kwis

Monique van den Brandt prizzentieërtj de vastelaovendj-kwis woeë in 4 prominênte minse uut de politiek uutmake welke politieke perti-j zich vör ein jaor de vastelaovendjpertij-j' van Wieërt moog neume. Oppe mat kaome Bert Lempens (VVD), Harry Coolen (CDA), Frans Adriaens (Wieërt Lokaal) en Conny Beenders-van Dooren (PvdA). De competitie bestieët uut 3 rondes. In ronde 1 weurtj de kinnes van vastelaovendj getesj, inne 2e ronde 't kreatief vermoge en inne 3e ronde zeen ve 'ne 'mystery guest'.



19.55 oor

Optochtverhaole - deil 1

Wieërt stieët bekindj um ziene prachtige Groeëte Rogstaekersoptocht. Al vanaaf de 30-tiger jaore tréktj d'r 'ne boonte stoet doeër de Wieërter straote. In dael 1 van dieës documentaire gaon ve trök nao de jaore '60 en '70. 'n Periode woeë in de Kuiters naam en faam haje inne Wieërter Optocht en 3 kieëre de Gouwe Rog wonne. Det blieëf in 't boetelând neet geheim en 't gevolg waas det de vereniging hieël wat kieëre mejdieëj aan optochte in Bêls en verschillendje Frânse plaatse, zoeë as Amiëns en Arras. In dieës uutzending unieke bieëldje van de 'Frankriëk-reize' en speciaal aandacht vör de brândwieërwage dae ze oppe kop wiste te tikke en 'opbawdje'.

Daonao aandacht vör de Joekels. Ouch al zoeë 'ne suuksevvolle optochtgroep uut 't griëns verlieëje. Winnaars vanne Gouwe Rog mer ouch pechvuuegel. Wi-j zoeëj det veule as EINE DAÄG vuuër d'n optocht eur creatie inne fik vluugtj? Vae ginge mét lede vanne Joekels trök nao de rãmplaats.



20.19 oor

Klip en Klaor

Rob Jongen prizzentieërtj vanuut de studio van Rockinc 'Klip en Klaor'. E gevari-ieërdj meziekprogramma mét clips van Wieërter boeëm. Vastelaovendjs-mer ouch serieuze meziek, live opnames vanne Gulden Humor/Vastelaovendjproms en vanuut de Zoëpkoel, mer ouch clips van Harry & de Gebroeëke Zwieegelkes, Erik Fikken en Ronald en Carien.

20.55 oor

Waat weurtj 't

Peter van den Bosch ging op bezeug beej Party Time um zie vastelaovendjpekske uut te zeuke. Kuuës genug! Det zeeje in dit programma.



Boonte Aovendj

Van 12 tot 21 jannewari

Extra vriëdig 13 jannewari, 'After Party' met Harrie & de Gebroeëke Zwieegelkes

- Jeugd vanaaf 15 jaor met CKV- of schoeëlpasje € 10,-
- Ângers: € 17,50

Beschikbaarheid en kaartjes: uitbalie Munttheater, tillefoon 0495 513575 of via www.munttheater.nl



www.twitter.com/vvderogstaekers



www.facebook.com/vvderogstaekers

www.vvderogstaekers.nl

Aansloëtendj

Weem weurtj 't

Lars Lambers gieët weer op zeuk nao 't antwoeërd oppe groeëte vraog 'Weem weur 't?' Op wieëg nao de uutroping vanne Stadspreens és det de vraog di-j Wie-ert bieëzig héltj. Verschillendje name van kânshabbers kaome weer langs mer zitj de echte Preens d'rbeej? Det és de vraog.

Aansloëtendj

Vraag 't aan Lellebel

Dieës 'dame' és de redding in hoeëge noeëd. Ze hieët 'n antwoeërd op ál eur vraoge. Vanuut kefee de Hermeni-j hölpjt zeuj woeë ànger deskundige 't neet mieër wie-ete. Eine goje raad: 'Vraag 't aan Lellebel'!



21.05 oor

Optochtverhaole - deil 2

De optochtgeschiedenis kintj vól stêrke verhaole. In dael 2 van dieës documentaire kieke ve trók op d'n optocht van 1993. D'n optocht dae inne beuk stieët as 'de NOS-optocht'. In det jaor wi-j de NOS d'n optocht weer 's bezocht en filmdje waas 't verschrikkelik kaod. Vae gaon trók nao det jaor woeë in Hub van den Bosch vór eïnen daäg Hub vanne NOS woeërt. Erik(1) Coolen, Stadspreens in 1993, vertéltj wi-j hae det belaeftje en de organisatore van destiëds, Jan Stals en Harry Meeuwissen, belaeve 't verhaol opnow. Daonao gaon ve op bezoek beej de Wulisse. Zeuj intro- dusieërdje 't straattheater inne Wieërter optocht. 'n Me- neer van prizzentieëre di-j dék és en weurtj naogeaaptj. Mét eur vast 'abonnemênt' oppe Knouwelpriës vertélle ze wi-j ze humor in d'n optocht bringe.



Aansloëtendj

Vraag 't aan Lellebel

De vaste rubriek op dieëzen aovendj. De 'Mona' van ROG-TV beantwoeërtj ál eur vraoge.

21.30 oor

Vastelaovendj-journaal De late edisie

Rosan Camp prizzentieërtj weer aktualiteite uut de Wie-erter (Rogstaekers)vastelaovendj. 't Léste noets oeëver o.a. de Stadspreens, cloown Desalles, Ronald en Carien inne halve finale van 't LVK, de NOS-optocht, enz.

21.37 oor

Boonte Aovendj 2011

Hoeëgtepunte uut de Boonte Aovendj van 2011. Um alvast inne stumming te kaome vór de Boonte Aovend- je van dit jaor laote vae uch de toppers van 2011 zien. 'n Uutnuuëdiging um, mochtje det nog neet van plan zien, e bezoek te bringe aanne Boonte Aovendje in 't Munttheater.



21.45 oor

Uut de aoj doeës

Beej de meiste minse thoës oppe zolder stieët d'r waal ein, 'n aoj doeës vól mét spulle di-j herinneringe opro- pe aan vreuger. V.V. de Rogstaekers hieët ouch zoeë 'n doeës op zolder staon mét dao in bieëldjmateriaol van vastelaovendj in vervloeëge ti-jje. Speciaal vór ROG-TV hebbe ve di-j doeës nog 's oeëpegemaaktj en d'r uniek materiaol uutgehaaldj. Uut de jaore '30 'n op straat uitgeveurdje Rogstaekerslegende en de aansloëtendje optocht en uut 1965 'n bös mét gaste van boete Wieërt di-j heej vastelaovendj kaome veere. Vae kieke nao d'n optocht ter huuëgdje van kefee De Wacht en be- zeuke tapperi-jje, zoeë as 'Mam de Borgie' en Trefpunt Lenders. 't Bieëldjmateriaol és gemaaktj doeër Sjaar Lenders. Doeër ziene inzét kos e geweldig archief van bieëldj- en ànger materiaol opgebawdj waere. 't Filmke vanne jaore '30 keumtj uut 't archief van de vreugere Scala-bioscoop.



22.00 oor

De Tôksjoow - Lellebel - De Tôksjoow - Lellebel

Op 'ne tillevisie-aovendj moog 'ne 'talkshow' neteurlik neet ontbraeke. Speciaal vór dieëzen aovendj és beej sociëteit Amicitia de 'Toksjoow' opgenoeëme. De priz- zentatie doon Mathilde Dominikowski en John Reijn- ders. De sjoow bestieët uut 2 daele mét as löchtige ongerbraeking Lellebel.

Gaste in dael 1 zeen: daeke Franken, Brigitte van Eck van 't Munttheater, moeëde-ontwêrper en aod-op- tocht daelnemer Teo Cardinaal en vorst Siebaer van vastelaovendjvereniging d'n Uul uut Remundj. In dael 2 zeen ve: Ted Scheeren van brawweri-j Linden- boom en aod-preens vanne Golfbraekers uut Wessem, aod-preens Piet Hermans, aod-preens vanne Beerboë- keklup Lhassan en aod-preens (mer ouch aafscheid nemendj Boonte Aovendjartiest) Ton Adriaens. 't Zal dudelik zeen, dael 2 peiltj de geveules van aod-preen- se. De opmaat nao.....

22.55oor

Weem weurtj 't

Ve gaon op momênt 'U' aan, de uutroping vanne Stadspreens 2012 en de vraog 'Weem weur 't?' weurtj almer niëpendjer. Lars Lambers gieët nog 'ne kieke de straat op um de meininge te peile.

Aansloëtendj

Boonte Aovendj 2011

Humor en plezeer make zeen de 2 belangriëkste onger- daele van 't recept det vastelaovendj hétj. De Boonte Aovendj stieët dao medèl vór. Daorum, kort vuuër de live uutzending vanuut 't Munttheater nog wat hoeëgtepunte uut de Boonte Aovendj van 2011.

23.15oor

LIVE; DE UUTROOPING VANNE STADSPRENS 2012

Ve schakele rechtstreeks doeër nao de buun van 't Munttheater woeë, in 'ne flitsendje sjoow, de nowwe Stadspreens 2012 weurtj uutgerope.

Aansloëtendj

De wieëg d'r nao tow

Inne maondje vuuëraafgaondj aan zien uutroping és de nowwe Stadspreens gevolgdj beej zien vuuërberej- jinge. Daomej és 'De wieëg d'rhaer' 'ne echte 'real life soap' gewoeëre.

Boonte Femiëlie Middig

Zoondig 15 jannewari
met uutrooping Jeugdpreens 2012
Zaterdag 21 jannewari 2012
Munttheater, 14.00 oor

- sketches, live meziek en dans
- neet allein vór wichter mer vór de hieël femiëlie
- àngers as àngers

Laotj uch verrasse!

D'n entree és € 6,00
Kaartjes beej de uitbalie van Munttheater
of telefonisch 0495-513575
Ouch via www.munttheater.nl

Wiepkresbâl

waat 'n feest!

2012
UNNE VASTELAOVENDJ
VEERDEE
ES DAO BEEJ
EN MISJ UT MEET!

Zaterdag 11 fibberwari
HENK & TON
DE DENT REVIVAL BEND
BACCHUS
HOLLE KLOT
UMMER D'R NAEVER
ERWIN

Met LAUF BEND

Pris: € 12,50

Lêste: Fawjens V.V. de Engelaevens van de Penningmeester | Pevjjeen oepa: 18.30 oer

YUWVERKOUADRESSE:
Kafje de Hermeni-j, Kruisstraat 4, Weert
Primera Weert, Oudegracht 231, Weert
Van der Tolken - Bredt - Tiedelmeester, Muntweg 7, Weert
Kafje de Hermeni-j, Kruisstraat 4, Weert

Pris: De Bende - Bierdrecht 4, Weert
Cannara Restaurant Plaza Balthus, Looberweg 47, Weert
Paviljoen Party Place, Muntweg 47, Weert
Kafje Joes, Oudegracht 13, Weert
Bier Cantekers, Oude 226, Weert

bonten jonken de Hermeni-j bonten jonken
KLUITMANS BUDEL B.V. WWW.VVDEWIEPKES.NL KLUITMANS BUDEL B.V.

Dâns Amuzemêntbâl

Dânse in vastelaovendjsfeer

Vriëdig 3 fibberwari 2012
Hotel Golden Tulip Wieërt
Zaal oeëpe: 20.00 oor
Begin: 20.30 oor Indj: 24.00 oor

Op lekker aojerwêse dânsmeziek
vanne Blue Comets
kij-je de beinkes vanne vloer goeze.
Van Polka tot 'nne Line-dance,
dieëze aovendj és vór joonk en aod.

Kaartjes te verkriëge beej de hofeveranciers vanne Rogstaekers,
kiektj vór adresse op www.vvderogstaekers.nl in Weenkel



www.twitter.com/vvderogstaekers



www.facebook.com/vvderogstaekers

www.vvderogstaekers.nl